



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis Pœnitentiæ & Extremæ Unctionis;
necnon varia summorum Pontificum Decreta, contra Moralis corruptæ
propositiones, & alia

Genet, François

Parisiis, 1703

[Quæst. 18. Quasnam pœnitentias publicas posset Confessarius injungere
in praxi peccatoribus publicis?]

urn:nbn:de:hbz:466:1-40817

„ accesserint publicè blasphemantes , concubiniarii omnibus noti , meretrices , ebriosi scandalosi , Festorum & Dominicarum dierum violatores , qui manifestas exercent inimicitias , & alii similes peccatores , iis absolutionem non impertiantur , neque ad Sacramentorum participationem admittant , nisi prius scandalum sustulerint , & publicam satisfactionem peccati gravitati aliquo modo convenientem præstiterint , sive peccatum suum cum dolore confitendo , coram iis , quos scandalo affecerunt , vel etiam coram aliis viris honore dignis : sive aliquid tribuendo ad Ecclesiæ ornatum , ut ita scandalum aliquo modo reparare valeant , ut illis præscriptum fuerit : sive aliquo demùm alio modo scandali magnitudini congruo. Præterea Curatos omnes & Confessarios à nobis approbatos hortamur , ut eodem modo se gerant erga peccatores publicos , neque his indulgentiores sint , propter rationes aliquas mundanas , aut infirmitatem aliquam suo munere minùs dignam.

„ Ubi verò scandalum modum exceßerit , nec satis compertum habuerint tunc Parochi , qualem Pœnitentiam imponere debeant , aut qualem pœnitentes subire possint , quemadmodum accidere solet in singularibus certaminibus , divortiis , cognatorum inimicitis , & aliis huiusmodi peccatis ; iis significabunt Decani , nos id velle priùs scire , quàm quidquam statuunt , aut exequantur : idque ipsum à Decanis in similibus casibus servari volumus.

Quæst. 18. Quasnam pœnitentias publicas posset Confessarius injungere in praxi peccatoribus publicis ?

Resp. Cum præcipua ratio propter quam imponitur Pœnitentia publica , sit ad medendum scandalo , ut ait Concilium Tridentinum,

De Sacram. Pœnit. Cap. VII. 119

oportet ut Confessores rationem habentes, & qualitatis personarum, & peccati commissi, præscribant pœnitentias, quæ clarè ostendant peccatorem sui criminis pœnitere, & curare, ut Deo, & Ecclesiæ per Pœnitentiam à Confessario impositam, satisfaciat. Sic v. g. injungere posset Confessarius, ut qui publicè peccavit, genibus flexis, oculis demissis, & summâ cum modestia vestitus, cereum in manu tenens, aut etiam sine cereo in vestibulo Ecclesiæ, aut ante januam per Missam Parochialem interfuit. Ut cuidam processioni nudis pedibus incedat. Ut comitetur sanctissimum Eucharistiæ Sacramentum cum defertur ad infirmos accenso cereo præ manibus per annum. Ut genuflectat per aliquot horas ante fores Ecclesiæ, & interim hoc corporis habitu recitet Psalmos pœnitentiales die Festo. Posset etiam in Pœnitentiam injungi blasphematori publico, ut coram illis, quos scandalo offendit, dicat se suorum excessuum pœnitere, etiam atque etiam eos deprecans, ut orent Deum pro eo ad obtinendam suorum peccatorum veniam.

Parochus posset etiam præscribere peccatori publico, ut genuflecteret in extrema Ecclesiæ parte tempore Catechismi, seu instructionis familiaris, quam singulis Dominicis inter Missarum solemnias habere debet ad populum juxta mentem Concilii Tridentini, quâ functione peractâ, Parochus, qui de hoc prius cum pœnitente convenerit, posset adstantibus dicere, talem, v. g. Petrum veniam petere à Deo, & ab Ecclesia pro scandalo dato, & in Pœnitentiam suscepturum talem peregrinationem pedibus, & sic de cæteris, quæ Christiana prudentia suggeret Confessori, qui tamen semper rationem habere debet qua-

litatis criminis commissi, ætatis, sexus, conditionis, infirmitatis, aut constantiæ pœnitentis.

S. August. in
Psal. 61. in
Enc.

Sic aliquando fecit D. Augustinus in sermone quem habuit ad populum, in quo injunxit Pœnitentiam publicam cuidam Christiano qui astrologiam judicalem exercebat. *Cum Mathematicus in populo monstraretur;* ait D. Augustinus, *Iste seductus ab inimico, cum esset fidelis, diu Mathematicus fuit, seductus seducens, deceptus decipiens, illexit, fefellit, multa mendacia locutus est contra Deum. . . . modò sicut de illo credendum est, horruit mendacium, & multorum hominum interitum: se aliquando à diabolo sensit illectum, convertitur ad Deum pœnitens. Putamus, Fratres de magno timore cordis accidisse. . . . Pœnitens est, non querit nisi solam misericordiam. . . . sciatis eum tamen Fratres, olim pulsare ad Ecclesiam ante Pascha. Ante Pascha enim cœpit petere de Ecclesia Christi medicinam; sed quia talis est ars, in qua exercitatus erat, qua suspecta esset de mendacio atque fallacia, dilatus est ne tentaret, & aliquando tamen admissus est ne periculosius tentaretur. Orate pro illo Christum, prorsus hodiernam precem pro illo fundite Domino Deo nostro.*

Considerare etiam debet Confessarius, Pœnitentiam quæ levior foret si privata esset, gravem fieri quando publicè fit.

Quæst. 19. Quænam præterea habere debet præ oculis Confessarius, ut imponat pœnitentias convenientes?

S. Carol. Actor. part. 4.

Deve il Confessore sapere li Canoni

Resp. Debent Confessarii secundùm consilium D. Caroli pluribus Actorum suorum locis, & præsertim parte 4. pag. 769. Pœnitentiales Canones scire; licet enim eos possint, & deb. aut